

CONFUCIVSSINARVM PHILOSOPHY

S I V E

SCIENTIA SINENSIS

Latine exposita


Studio, & opera { Prosperi Intorcetta
Christiani Herdtrich
Francisci Rougemont
Philippi Comptet } Patrum Societatis Iesu.

I V S S V

LVDOVICI MAGNI,

Eximio Missionum Orientalium, & litterariæ Reip
blicę bono, è Bibliotheca Regia in lucem prodit.

*Adiecta est Tabula Chronologica Sinicę Monarchię
Ab huius exordio ad hac usquę tempora.*

Ex Lib. 



P A R I S I I S

Apud Danielem Horthemels, via Iacobę
sub Męcenate.

Ex Libris: cui titulus

CONTRACTUS IN ARAM PHILOSOPHY

2 1 2 5

SCIENTIA SINENSIS

Latine expressa

Studio, & opera
} Prosperi Intorcetta
} Christiani Herdtrich
} Francisci Rougemont
} Philippi Compier
} Patrum Societatis Iesu

1 7 2 7

LADOVICI MAGNI

Eximio Missionum Orientalium, & litterarum Reipublice dono, & Bibliotheca Regia in lucem prodit

Adiecta est Tabula Chronologica Sinicae Monarchiae
ab eius exordio ad praesens usque tempora.

~~Ex Libris: cui titulus~~

P A R T I S

Apud Danielum Horthemels, via Jacobae
sub Mercatorie

M. DC. LXXXVII

S. T E R T I V S.

Ricci deliberatio de modo veritatis Euangelicæ Sinis
annuntiando. Priscorum monumenta, & Annales
legit, & examinat.

P*Rope finem sit habet*: Doctoribus itaque primi nominis, & *Pa*
hortatoribus, & ducibus nouo rursus ardore, ac studio
placuit explorare penitus omnia, adire (inquam) fontes
ipsoſ doctrinæ Sinicæ, & monumenta priscorum dogmatum,
necnon annalium vetuſtiſſimorum iterum. iterumque reuol-
uere: ad hæc obſcuros dubioſque locos examinare diligen-
ter, conſultis partim commentarijs, tam veterum, quàm
recentiorum Interpretum, partim etiam illis, qui tunc viu-
bant litterarum Magiſtris, atque Philoſophis (ex quibus ſe-
ptem, & viginti annorum ſpatio, quibus in China commora-
tus eſt Riccius. reſenſita ſunt amplius quinque millia) à qui-
bus & ipſe viſebatur, & quos viciffim viſebat, & de omnibus
conſulebat. Quid multa? vidit, audiuit, legit, & maxima
cum voluptate animi ſui perſpicuè tandem cognouit, quin &
conuiſtus eſt, Sinenſes olim non vno ſæculo, ſed pluribus ha-
uiſſe notiſſiam veri Numinis, ac ſimul præſtantia quædam
lumina legis naturalis, ad quæ ſi modo reuocarentur ij, qui
nunc viuerent, ſperandum utique fore, ut ad Euangelicæ
legis, quam venerat nunciaturus, gratiam, & ſanctitatem
ſuauiſſe admodum (propitio ſemper Numine) adduceren-
tur, ij quidem in primis, quos inueterata quædam cæcitas, ac
ſuperbia, vitæque deprauatæ conſuetudo non uſquequaque
impediret: & verò cum gens iſta ſuæ antiquitatis, ſuarumque
litterarum uſque adeo ſtudioſa ſit, & tenax, prorfus adhiben-
dam videri hanc induſtriam, ut ſuſcitarentur ea, quæ ipſimet
in primordijs ſuis habuerant prima naturæ lumina, quàmuis
hæc ætate vitiſſorum, & errorum tenebris propè iam extin-
ctæ, exemplo ſcilicet Doctōis, & Apoſtoli gentium, qui non du-
bitauerat authoritatibus, & quidem Poeticis Ethnicorum uti
inter euangelizandum: exemplo etiam primitiue Eccleſiæ, in
qua Doctōres, ac Scriptores Sacri omnes (ut teſtatur S. Hie-
ronymus citatus à D. Thoma in opere contra impugnantes
Religionem cap. 12.) à tempore Apoſtolorum uſque ad tempora
ipſius Hieronymi immiſcuerunt Sacra Scriptura ſapientiam, &
eloquentiam ſacularem.

Quo Nomine Prisci Sinæ nuncuparint verum Deum .

Examinatur nominis Ethymon ,

& proprietas .

Verum alia nobis hîc superest quæstio discutienda ; de nomine illa quidem , haud quaquam tamen sic , vt illæ , quæ vulgò dicuntur esse de nomine , contemnenda : Etenim si primis illis temporibus , & diluuiò proximis Sinæ verum Numen cognouerunt , cognitumque adorauerunt (quod omnes opinor , iam faciliè mihi concedent) ecquo tandem nomine , quo vocabulo , quibus litteris Numen illud Supremum Prisci Adoratores expresserunt ? Certè si nulla vnquam natio , quantumuis barbarâ extitit , quæ non aliquò nomine appellaret Numen , quod coluit ; seu verum , seu falsum (quot enim Teste Tullio , hominum linguæ , tot nomina Deorum) , quo pacto tandem gens Sinica tam ciuilis , & culta , & accurata caruerit , quo Deum , quem colebat , nuncuparet ? Eâ lingua , quæ in diuisione linguarum , & gentium vna fuit probabiliter ex illis septuaginta , quas Matrices vocant , habuerit nomina , & vocabula , & litteras , quibus res omnes creatas , & herbarum vocabula , & naturas explicaret , & tamen eadem caruerit , scilicet , isto nomine , quo Creator vniuersorum , ac Dominus , quem natura tota proclamat existere , ritè nuncuparetur ? Nemo prudens , vt opinor , hoc suspicabitur : At quæres ecquod tandem illud nomen fuerit , siue potestatis cuiusdam Supremæ , aut perfectionis significatiuum , siue relationem denotans ad res creatas ? quamdiu enim viatores sumus , nomen quod essentiam Diuinam , & ineffabilem , sicuti est , perfectè significet , scimus ab homine ne concipi quidem posse , multò minùs signo quopiam exprimi .

Dico igitur apud Priscos Sinas , nomen illud , quo verum Deum nuncuparunt , fuisse *Xam-ti* . Cuius nominis antiquitas eadem est , quæ ipsarummet litterarum , quarum rudimenta à *Fo hi* gentis Sinicæ conditore posita , sub tercio yero *Hoam ti* Imperatore , opera *çam-hie* magis expressa , & digesta in ordinem commemorantur : de quo Imperatore refertur etiam , quod Palatium , seu Templum construxerit ipsi *Xam-ti* , quod adeò factum fuerit annis circitèr 600. ante natum Abrahamum , si modò annalibus , & 70. Interpretum computo fidem

habere placeat, multò ante scilicèt, quàm Nomen *Theos*; ex quo Dei nomen latini mutuarunt, scriptum à quopiam inueniretur. Quod si malis vulgatum computum sequi, certè nominis illius *Xam-si* indubitata antiquitas ex Scriptore, & Historiographo Regio petitur, qui circa tempora *Xu* (fuit hìc Conditor primæ *Hia* Familiz) scripsit res gestas *Tao*, & *Xun*, è quibus etsi multa perierunt (nam è 16. capitibus, quibus constabant, desiderantur omninò vndecim) constat tamen vel ex fragmentis ipsis, qua ratione *Xun* Imperator, (qui totus ad exemplum decessoris sui *Tao*, à quo fuerat electus, conformabat sese) sacrificauerit *Xam si*, ac dein alioritu inferiore sex Spiritibus Principibus, ac denique montium, fluminum, necnon rerum reliquarum præsidibus; quod item sacrificauerit *Xam si* sacrificio holocaustico *Chai* dicto, quo victima, & res pretiosissimæ cremabantur. Et hoc scriptum est à Regio illius temporis Scriptore, anno ante Christum circitè 2220, Quere nunc, si placet, aliud in alia Orbis gente monumentum vetustius, aut magis authenticum: quære, inquam, & assigna mihi aliud nomen, si potes, in tota Sinarum antiquitate, quo verum Deum (quem fateri debet proximis diluvio temporibus ybique agnitum fuisse) nuncupauerit Prisca Sinarum ætas.

Quod si veram huius nominis *Xam-si* Ethymologiam quæris; littera, & vocabulum *Ti* primaria, & ordinaria, quin & unica, & propria significatione sua idem est, quod Imperator, Moderator, & Dominus; estque ipsissima vox, ac littera, qua Sinae plerumque Imperatores suos ferè à principio in hodiernum vsque diem compellant, tametsi inter 88. primos Imperij Principes, tantum tredecim reperiantur, qui hoc vsi sunt nomine, cum ceteri vsi sint nomine, aut proprio quondam, aut *Kam*, quod Regem sonat; donec deindè quartæ *cin* Familiz Imperator *Xi Hoam si*, quod præsumeret sextum Imperij conditorum, & Principum *Tao Xun*; *Tu-tam*, *Vu-uam*, merita & virtutem superasse; primus instituit, ut nomini *Ti* præponeretur *Hoam*, hoc est Magnus, seu Augustus Imperator; quo titulo, omnes quòtquot exindè sequuti sunt Principes, appellati sunt. Altera porrò littera, quæ dum Deum significant, *Ti* litteræ præponitur, est *Xam*, quod Supremum significat, quo addito simpliciter ad nomen *Ti* nemo hætenus Imperatorum vti ausus est, quàmvis aliòquin inter eos, essent impiè superbi, & dango insol-

lentissimi. Hoc igitur nomine 7, quod usurpabant terreni Principes, sicuti designabant dominium, & potestatem suam super Regna, & Populos sibi subiectos, ita peradditam *Xam* supremum quamdam, & rebus omnibus excelsiorem Maiestatem, potestatem, ac dominium in spiritus vniuersos, in Coelum, & Terram, in Imperia, & Regna, Reges, ac Populos significauerunt, adeoque sicuti China in terris Monarchicum Regimen sub vno Capite semper, & summa quidem contentione sectata est, ita & in Coelis Monarcham quemdam inuisibilem dari credidit, petita interim administrationis suae norma ex Coelorum, Terraeque, necnon temporum elementorumque æquabili ordine, quo vnus item, & supremus in terris suis visibilis Monarcha Maiestatem suam (quam vel etiam quodam subditorum oculis subducit) ad imitationem Numinis Supremi, & inuisibilis Imperium suum moderaretur.

Sed, inquires, nonne etiam in Testibus vetustissimis, & maximè authenticis frequenter vtuntur nomine *Tien*, hoc est, Coeli eique attribuunt eadem, quæ *Xam-ti* Supremo Imperatori, ex. gr. intelligentiam, voluntatem, providentiam, ius, & imperium, iusticiam, pietatem &c. planè sic est; Nec inficior antiquissimum quoque esse, & fortè còxtaneum (vt sic loquar vocibus *Xam-ti*, nomen, & vocabulum *Tien*, siue Coeli, sed si mihi concedis proximis diluuiis temporibus Sinarum extitisse, adeoque, & veri Numinis notitiam, & consequenter nomen, quo verum Numen exprimerent, habere debuisse: Certè siue hoc nomen fuerit *Xam-ti*, siue etiam *Tien*, semper tamen concludetur, non aliud, quam verum Deum sub his nominibus cognouisse, & significare voluisse: & reuera cum nihil ipsi inter rerum naturas, vel pulchrius, vel augustius Caelo conspicerent, ad hæc cum in periculis, præsertim omnium ad se mortaliū oculos, & porta Coelum prouocet, an quisquam mirabitur eos Coeli Dominò, Cæli nomen tribuisse? Quantò magis si noueris vsitatissimum ab omni æuo præ alijs Nationibus loquendi Sinarum modum, qui assidue Palatium pro Rege, Urbem pro Vrbis Præfecto, Curiam pro Magistratu, & pro Patre familias domum ipsam nominare consueuerunt? Quod quidem in alijs quoque Nationibus locum habet, & in sacris litteris, & ab ipso Christo Seruatore nostro usurpatum est: quod vt clarius tibi constet, Consule obsecro libros veteres, & classicos li

Ki Xuhim, Te bim, aliosque; neque enim fieri poterit,
 ut ex illis non conuincaris, quod spiritus montium, ac flu-
 minum, Urbiumque Præsides agnouerit, eolueritque ætas
 prisca: & tamen hi ipsi spiritus in alijs quidem Testibus di-
 fertè nominantur Spiritus montium, fluminumque, in alijs
 verò flumina, montesque; Spiritus verò Tutelares Urbium
chim hoam, id est muri, & fossæ simpliciter nominantur; si
 ergo rerum inferiorum præsides Spiritus subinde signifi-
 cant per ea loca, quibus præsident, cur, cum Cœli nomi-
 ne yuantur, non concludes à fortiori Cœli Dominum, ac
 Moderatorem intellexisse? His accedit non spernendum
 Testimonium veriusque lexici Maioris *cu guci*, & *chim co-
 tum* vulgò dicti: vbi cum vocis *Tbien* (siue Cœli) multi-
 plex vsus, & acceptiones afferantur, tum & hoc præter
 alia disertè docetur, litteram *Tien*, cum Cœli Dominum,
 & Gubernatorem indicare volueris, alia item voce *Ti scia*,
 licet (id est) Supremi Imperatoris designari; *icou chim*
 Enim verò si diceremus, Europæum hominem, cum his fortè
 agit de Romana Vrbe, eamque vocat Apostolicam, Sancti-
 ssam, Orbis Christiani Dominam; ab ea item manare
 Doctrinam Orthodoxam, conferri Ecclesiasticas Dignita-
 tes, aliaque huiuscemodi: si (inquam) diceremus, non alia
 de Vrbe loqui, quàm eam, quæ oculis multorum æquè va-
 hominum conspicua est; nonne profecto diceremus alienè
 loqui, & mente captum esse? vel certè non ipsi si forte ne-
 garemus, aliena loqui, ac de statu mentis discessisse vide-
 remur? Atque non modo Confusius, sed Sine passim om-
 nes, neque olim tantum, sed etiam hæc ætate nostra, intel-
 ligens, opium, propitium vocant Cœlum; Parentis
 Dominiq; nomen ei tribuunt. Ad hæc, Iudæi recte ra-
 tionis ab illo mortalibus infundere dicunt, ab illo descendere
 pœborum præmia, pœnasque improborum; ab illo descen-
 dere, & legari Sapientes, & Regnum Magistras, coro-
 nar, denique, & imperia ab illo Principibus conferri, &
 auferri, transferrique. Quid è quod sermonem quoque
 & sensus eidem metaphoricè adscribant, Itaque non de-
 sunt, qui, si iniquius scdm agi putent, impia indignabunt
 dicō conquerantur ergo ne Cœlum oculos non habet? Quibus
 pimirum videat à quos, & quàm iniuste ledantur, ut debi-
 tas iniuste ledenti pœnas indigat? Ad extremum eidem
 attribuunt cor, iram, commiserationem, lenitiam, amor-
 rem. Hunc igitur si non adsecederent ipsi multè alibi;

quàm quò corporeis oculis possint pertingere, nonne me-
ritò viderentur aliena loqui, dum mortuæ isti machinæ vi-
tam, cæcæ mæque videndi, & loquendi facultatem, quia
& in Reges ipsos, ac Regna, ius, atque Imperiũ merè
gratis, ridiculèque tribuerent.

Sinenses verò, ubi de incorporeo Cœlo corporeoque sermo est,
verbis utuntur, ac sententijs admodò diversis, ut hæc ipsa discrimen
ingenis utriusque Cœli, non minus declarent, quàm eum
Imperatoris sui aulam ab aula distinguunt, quibuscum modo
à struenda, elegantiâ, firmitatè; modo à potentia, & æqui-
tate commendant. Sic ubi Philosophus in libro *Chum yun*
de perpetua, & æquabili successione quatuor tempestatum
anni, de Solis, ac Lunæ accessu, recessuque, & extrinsecum
imperturbato, de magnitudine Cœli regentis omnia, omni-
niæque complexu suo fouentis, de concursu huius cum ipsa
terra ad rerum productionem, & conservationem, aliæque
huiuscemodi; utique nulli dubium esse potest, quia de cor-
poreo, conspicuoque Cœlo agat. At verò ubi de illo agi-
tur Cœlo, à quo mens omnis, & ratio profluit, ubi sermo
est de mandato illo, nutuque Cœli, & providentiâ, ex qua
nos nullo non tempore pendere totos oporteat; ubi dicit
hanc nobis præ-regula nostrarum actionum esse oportere, &
hanc eludi, falli, nequaquam posse; ab hac diuitias, &
honores dispensari; ab hac unacum ipsa natura rationali,
conferri dona diuinitis potiora, prudentiam, fortitudinem,
iusticiam, pietatem; ab hac quisquis opibus cumulandis,
vacet impensius, infelicitèr aberrare; eiusdem beneficio
Magistratus, & Imperia obuenire, atque hæc ab ipsa, ean-
demque familia per multas ætates conservari; tunc profectò
de inuisibili illa, & ætæna Maiestate, quæ Cœlis præsidet,
omnino agere existimandam est.

Maneat itaque sua duabus illis vocibus *Xam-ti* authoritas, &
propria significatio, siue breuitatis gratia, & more loquen-
di hic usitato per acceptionem tropicam cum sub nomine
Cœli compellet, siue proprijs suis utatur vocibus *Xam-ti*
supremi, inquam, Cœlorum Imperatoris.
Et hoc quidem primum est, & antiquissimum Sinarum nomen,
quod audito gens hæc concipit id, quo nihil maius, & ex-
cellentius nouit, estque in usu apud eam sectam, quæ præ
reliquis omnibus censetur melior, & conformior est cum
naturalis lege, & ceteris etiam cum Christianæ veritatis;
adeoque faciliorem hic de vero Deo conceptum gignit.

Quemadmodum verò est antiquissimum; ita & multis saeculis solum est, ac Supremum nomen Dei, cui solus Imperator tanquam filius adoptiuus, & Vicarius in terris Sacra faciebat, vt ostenderet id se sentire de *Xam-si*, quod de se sui subditi sentiunt, scilicet Supremum se, & vnicum esse Imperij sui Sinensis à Deo electum, vt Deus Caelorum, & Terræ supremus, & vnus est à se Imperator: & hinc etiam fiebat, vt sacrificaturus solemniter, expedito ad omnes Imperij sui ditiones diplomate denuntiari iuberet subditis diem tantæ solemnitatis. Cæteris verò spiritibus Sacra faciebant pro suo quisque gradu Principes, & Magistratus, vt ostenderent spiritus illos comparatos cum *Xam-si* Supremo Imperatore id esse, quod sunt Principes, & Magistratus in terris suo cum Rege comparati: *scilicet enim* (vt verbis utar Lactantij) *Mundum Regi à Deo dicimus* (& semper censuerunt Sinæ) vt à Rectore Prouinciam, cuius apparitores nemo socios esse in regenda Prouincia dixerit, quamuis illorum ministerio res agatur.

Quandoquidem igitur nomen illud *Xam-si* sit primum, & non personale, vt Saturnus &c. sed appellatiuum vt Numen, aut Deus: ad hæc cum ex ethymologia sua nullam denotet imperfectionem, sed è contrario potestatem, ac Maiestatem, & quidem Supremam; possit autem ex sententia D. Thomæ, & omnium Theologorum, verus Deus ijs nominibus appellari, quæ aliquam perfectionem denotant absque imperfectione; fidenter, ac iure merito affirmamus Priscos Sinas ipso illo nomine vnicum, & verum Numen cognouisse, significasse, coluisse, vt satis liquet ex tot sæculorum autoritate, tot etiam tamque authenticis librorum monumentis, ac testimonijs, in quibus nihil prorsus (quod mirere) reperiatur, quod illo nomine, & Suprema Maiestate indignum sit, vel indecorum, aut à ratione alienum in ijs, quæ referuntur, eiusdem attributis, & proprietatibus; quamuis etiam ea non immerito desideratis, quæ tot in Europa, & Asia, spiritu sanctiore afflati Doctores, & lumine Fidei Christianæ collustrati, tam sublimiter, Theologiceque scripserunt, & ad posteros transmiserunt.

S. N O N V S.

Quod primariam Nominis *Xam-si* significationem abolere, nequeat adultera Nouatorum Interpretatio,

NEquè verò tam antiquæ, tamq; perspicuæ significationi, & ethymologicæ nominis huius tot illustrati attributis, ac

proprietatibus, quæ vni, & soli Deo competunt, derogare potest opinio peruersa, & interpretatio Nouatorum, post totandem sæcula turpiter hallucinantium, siue isti iam fuerint de Sæc. 1^o à qua primum fuit vitiata nonnihil significatio, introductis varijs eiusdem nominis in Cœlo Numinibus, quorum singulis in singula elementa independentem quandam potestatem tribuere visum sunt, siue etiam fuerint duo, tresue Imperatores vti *Tuen çum* è familia *Tam* decimatertia, & è *Sum* familia decimanona *Hoei çum*, qui nomen, & titulum *Xam si*, seu supremæ potestatis, & excellentiæ duobus hominibus attribuerunt *Lao kion*, & *Cham y*, quorum Prior cœtaneus fuit Confucio, posterior sub quinta Familia *Han* floruit, vti supra satis retulimus: Non magis igitur abusus impius derogare potuit vsui legitimo, vimque tollere significatiuam *Præsen* vocis Sinicæ, quam tollere potuit vocabulo *Theos*, siue *Deus* vim propriam significandi facta, à demonibus, aut hominibus eiusdem vsurpatio, quemadmodum legitimi Regis nomen, ac vim non tollit rebellis quispiam, qui vi, & armis sibi eundem titulum, ac nomen per nefas vsurpauerit,

Multo ceterè minus (quidquid contendant huius ætatis atheopolitici) tollere, aut immutare potest propriam, ac vetustissimam nominis *Xam si* vim, & significationem, adeò spuriam, atheopoliticorum quorundam interpretatio post 40. tandem sæcula in lucem protracta, qua Supremum Cœli Numen, eiusque attributa conantur eludere, omnia scilicet ad mutam, & inanimem quandam virtutem, & naturalem rerum efficacitatem reuocantes, & ita totius retro antiquitatis monumenta, & sensum in suam ipsorum detorquentes sententiam.

Liceat hic ergò pauca de multis afferre, quæ Nouatores illi suis in Commentationibus, & in opere illo suo de natura operosius explicant. Ecquid enim obsecro fingi potest ineptius, quàm dicere, idcirco Imperatorem Sinarum solum sacrificare Supremo Imperatori, quia cum sit ipse *Tien çu*, idest Cœli filius (adoptiuus scilicet, eo quod omnis potestas iuxta illos à Cœlo sit) magis utique participat de puriori illa, & defæcata virtute Cœli, & efficacitate; quare dum Cœlo sacrificat, id agit scilicet, vt suus aer ille, seu influxus purior per sympathiam quandam connaturalem,

vniatur cum Cœlo, conseruetur, & augeatur, & hinc etiam
 præmittuntur ieiunia, & abſtinentia, vt aerem curis fortè,
 illecebrisque vitioſis, ſeu nebulis quibuſdam, obſcuratum,
 & inquinatum purificet, & ita reuocato intra ſe regio illo,
 & à Cœlis inſulo rectè diſpoſitus ad ſacrificandum accedat
 & hanc etiam dicunt eſſe cauſam, quod primis illis ſæculis
 fuerint Reges Sancti, quod ſæcula aurea, & tam opulenta
 ſub duabus Principibus familijs, quia illis temporibus ſicu-
 ti aer, aerisque vigor, ac virtus erat recentior, ita viuulum
 erat, magisque vegetum, & abundans id omne, quod cum
 Priſcis Regibus cœlitus communicabatur, ſecus ac vſu ve-
 nit poſterioribus ſæculis, paulatim ſcilicet macreſcente,
 & ſterileſcente dicta Cœlorum virtute, vique efficiendi,
 vt, inquiunt, aqua in fonte ſuo pura eſt, at quo longius
 prolabitur, eo ex locis ſordidis, & limoſis magis inficitur
 ipſa quoque, ſordesque contrahit.

Alibi etiam dum explicant quo pacto Cœlum procreare dica-
 tur Reges, & Magiſtros, & Sanctos, affirmant id fieri per
 influxum Cœli fortuitum; qui in hunc vel illum incidit.
 Quando verò in Teſtibus refertur, quod Cœlum, ſeu Su-
 premus Cœli Imperator annuat precibus, & votis piorum
 Principum, id volunt ex eo ſic, i, quod cum animus pius,
 ac religioſus huiusmodi Principum ſit omninò vnitus cum
 Cœlo, eiſque influxu, ille ipſe Cœleſtis influxus, vtique
 ſympathicus, ſponte ſua protinus inſinuat ſeſe, tam pijs
 votis, & deſiderijs, ex quo Imperati deinde ſuccellus conſe-
 quantur. Pari modo Interpretes *bu u ſum*, dum conatur ex-
 plicare fauorem illum ſingularem, quo Supremus Cœli
 Imperator impertitus eſt Imperatricem *Kiam yuen*, quando
 poſt preces, & ſacrificium vna cum marito oblatum ipſi
Kam-ti, concepit filium, ſic inquam 3400. poſt annis,
 quam res illa contigiſſe ſcribitur, dum inquit, *Kiam yuen*
toto mentis affectu ſacrificabat Supremo Imperatori, quò tota
mentis intentio, & affectio ferebatur, eò modo etiam influxus
quidam Cœleſtis ferebatur: Quo verò hic ferebatur, eò ipſo vir-
tus generatiua quadam confluxit, & ſic acceptatum fuit eiſ
votum, & ſacrificium: Quod igitur filium conceperit, & eni-
ta ſit, non adeo mirandum eſt.

Quàm abſurde verò philoſophantur, ſeu veriùs nugantur de
 prouidentia Numinis, & æqua vel meritorum, aut erimi-

num retributione, quando scilicet prosperos successus re-
 rum humanarum sic docent à Cælo existere, vt totos adscri-
 bant aeri, seu influxui cuiusdam benigniori, & fecundiori,
 qui in gratiam benemerentium explicet sese, dilatet, atque
 diffundat, aduersos autem eidem rursus aeri, sed iam re-
 stringenti sese, vñibusque hominum tam malè promerito-
 rum quodammodo subtrahenti. Iuuat audire quid de Im-
 peratore *Vu ye*, qui è secunda *Xam* familia fuit ordine 25,
 & impiè procax, & blasphemus in Cælum, in venatione
 fulmine percussus interijt, anno antè Christum 1195. Im-
 perij sui anno quarto. Quid, inquam, dicant Familiae *Sum*
 Interpretes, quos explodit *Tim nan pu*, & ipse Interpres,
 Fulmen, inquiunt, est Cæli quidam spiritus, & exhalatio
 exardescens, & violenta: Quòd igitur hominis auræ, & spi-
 ritui violento, & impio sic occurrerit, vt extinxerit im-
 pium *Vu ye*, vtique res fuit consentanea rationi, Rursus,
 ipsas hominis cogitationes prauas, aut bonas quo pacto
 explicant? Cum quis, inquiunt, suscipit bonam, piamue
 cogitationem, hoc ipsum dumtaxat est, quòd libro oda-
 rum dicitur *Xam-ti lin ju*, Supremus Imperator appropin-
 quat tibi, & descendit ad te; cum prauam quis suscipit:
 Hoc est ipsum, *Ti chin nu* Supremus Imperator grauius
 irascitur, & nihil amplius. Atque ita suis illis Commentis
 adulteris contendunt Cæli Numen non aliud esse, quàm ip-
 sum hominis animum. Hunc esse *Xam-ti*, hunc Cælum
 esse, intrepidè affirmantes. Vbi verò de anima hominis
 agitur, quodcumque in Textu dicitur, in morte corpus
 in terram redire, spiritum verò sursum ascendere, aut etiam,
 vbi piorum Regum animæ memorantur assistere Supremo
 Cæli Imperatori, ea vtique de aërio illo intelligenda, qui
 mixtus Cælo, fortuito impulsu huc illuc feratur, ac modo
 descendens, modo etiam ascendens, nusquam stabilis per-
 seueret.

Et hæc papæ (quæ de multis modo retulimus) quis sanæ
 mentis non explodat, & iure merito etiam non succenscat,
 quòd homines alioquin docti, de virtutibus, vitijsque,
 necnon administranda feliciter Republica, tam præclare
 quandoque differentes, nescio quæ corruptæ dementia, co-
 rtius antiquitatis tot, tamque illustra circa Supremum Nu-
 men, & Religionem relicta posteris monumenta, tam se-
 dè,

de, & putide corruptant, & quidem non sine praua, ra-
stique, quasi verò subtilitate ingenij sui inuenerint modum
explicandi omnia per illas suas aerias, & inanimas Cœlo-
rum efficacitates, & noua chimæricæ Philosophiæ dogma-
ta, 40. fermè antè sæculis incognita, & ignorata, aut (vt
ipsi quidem censent) obliuionis tenebris, ex diuturnitate
temporum, enatis, quasi conscripta. Eo prorsus modo,
quo heterodoxi noua sua, & pestifera dogmata authorita-
te Sacrarum Litterarum, & Ecclesiæ Doctorum confirma-
re, & ad suum sensum, arbitriumque deprauatum, velut
totius antiquitatis reformatores pertrahere non erube-
scent.

Et erit quispiam Europæorum præconum, qui adulteris, & ini-
piè politicis interpretationibus malit mordicus adherere,
& in atheopoliticorum recentiorum tam prauè, & putidè
de antiquitate tota definiturum ire sententiam, quam pau-
cis hisce relictis, & proculcatis, sequi saniores mentes,
Interpretum, & suscitare denuo aureæ Sinensium ætatis
pulcherrima ab Authore naturæ indita lumina, & reuocare
quadamtenus Priscorum minimè fucatam innocentiam,
pietatem, ac Religionem. Præsertim cum apud hanc
gentem (si modo quis asserat animum minimè præoccupat-
um, inuenturus sit, tot, tamque appositæ adiumenta è pri-
scis petita monumentis, quæ viam pandant, & quadamte-
nus etiã complanent ad faciliorem cursum Euangelicæ
prædicationis?

S. D. E. C. I. M. V. S.

Exemplo Apostoli Gentium, & Patrum primitiue Ecclesiæ,
aliisque rationibus concluditur eodem, quo Prisciani
Sinenses, nomine verum Numen
compellari posse,

Porro quæcumque hætenus retulimus, ea potissimum fue-
re, quæ permouere possunt primos Sinicæ Missionis fun-
dadores, vt abiectis adulteris Interpretum huiusmodi Com-
mentarijs, nudæ vestigijs antiquitatis insistant, & ad signi-
ficandum Deum, quem annuntiatum veniunt, nomine illo
appellatio, & antiquissimi idiomatis vocabulo *Xam-ti* tot
olim sæculis vsitato, & iacorrupio tam in sermonibus suis,
quàm scriptis libris vtantur, quod vt fidenter, & haudqua-
quam

quàm dubitauerat, præterquamquod multorum animorum labor improbus, ac studium inuoluendis, ac reuoluendis veterum monumentis, ac libris viam aperiat, præter quam etiam quòd grauissimorum Virorum, & tanta de re toties consultorum iudicia, & plurimorum rectè sentientium vota, suffragiaque, imò etiàm cohortationes, atque impulsus minimè deerunt, tamen motuum longè efficacissimum fuerit imitari in re tanti ponderis, & momenti Apostolum Gentium, & Imitatores Apostoli Sanctos Patres, atque Doctores; Conciliorum item, & Ecclesiæ vniuersalis praxim, & methodum in annuntiando verò Numine apud omnes gentes: quippe eo ferè & non alio vbique terrarum vsi sunt nomine, quàm eo, quod apud singulas gentes inuenerunt, tametsi iam illud inuenissent variæ gentilitatis somnii, & figmentis innumeris per multa sæcula corruptissimum, & quasi pœnitus oblitteratum: Sic enim Ecclesiæ, & Apostoli, & Præcones Euangelici iudicarunt (nec in vllò Concilio ea de re fuit controuersia) cæteris scilicet præferendum *Deo*, vel *Dei* nomen apud Græcos scilicet, & Latinos, quia hoc audito gentiles illi, quos instituebant, in alicuius Numinis noticiam veniebant, quamuis iidem sub eo nomine aut Cælum materiale, aut Terram, aut Elementa, aut Planetas, aut Homines scelestissimos, tum intelligerent, adeoque grauiùs, ac turpiùs errarent, quàm Sina, qui nihil turpe, aut indecorum affixerunt isti nomini, nisi quando ad duos homines illud transtulerunt.

Quæramus igitur ab ijs, quos fortè metus, & scrupuli sollicitant, qua tandem voce vsus olim fuerit Augustinus, alijque Patres Orthodoxi, quando cum Manichæis de Deo disputabant; an fortasse voce illa, *Deus*, abstinebant Religiosi, timidiq; propterea quod scirent eis quibus cum disputabatur, corporeum quid, pro hæretico vocis vsu, ac deprauatione, iam significare? & ipsosmet Ecclesiæ Principes, atque Apostolos, quandò olim Romanis, & Græcis Deum annuntiauerunt, qua tandem voce censerent fuisset vsus? Illa ipsa voce, *Deus*, inquit: At enim quid aliud vox illa significare poterat Ethnicis istius temporis, quàm Numen aliquod Saturno, Ioui, Mercurioque simile? Quandoquidem de alio quopiam Numine plerique illorum, ne dicam omnes, nihil vnquam ne fama quidem perceperant. Obnoxius ergo gignendis erroribus vocis istius erat vsus? Minimè, inquit, sic namque voce illa Sancti utebantur, vt partim af-

firmando, quæ naturæ diuinæ competebant, partim etiam
negando, quæ non competebant, quamvis imperitos, ac
rudes docerent, Deum, quem annuntiabant alium prorsus
esse, & infinitis interuallis distantem ab ijs, quos cæca gen-
tilitas adorabat. Bene habet. At quid aliud in hac China
Primi præcones verbo scriptoque efficiunt? quando *Xam-ti*
binas voces pronuntiant, simul etiam & incorporeum
esse, & æternum, immensum, infinitum, perfectissimum,
Cæli, terræque Procuratorem, ac Dominum disertissime
docebunt. An fortasse *Theos* siue *Deus* Athenis, & Romæ
tutò pronuntiari à Paulo potuit, *Xam-ti* verò in China sine
periculo pronuntiari non poterit? Cum tamen nomen hoc
& ad litteram, & ex prima institutione sua hic Supremum
Imperatorem, & iuxta Interpretes Ethnicos *Tien chi chu çai*,
idest Cæli Dominum, ac Governatorem significet?

Quæro ulterius, si à grauissimis Sinarum Doctribus iuridi-
cè interrogatus Doctor Europæus, quo tandem nomine vsi
olim fuerint in Europa Ethnica primi Præcones Evangelici,
& an *Dei* nomen intactum, incorruptumque semper per-
stitit, nec applicatum fuerit aliquando mortalibus, aut
rei materiali; quid oportuit Virum prudentem ad hæc re-
spondisse? An nomen *Dei* in Europa semper integrum, in-
violatumque perstitisse? Equis id audeat affirmare, & ta-
men hoc ipso semper vsi primi in Europa Evangelij Præco-
nes. Quæsiuerit igitur deinde Sina rationem, quare in suo
Imperio dubitet Europæus vti nomine *Xam-ti*, tametsi cor-
ruptum hoc inuenerit tum à Sæctarijs Laocijs, tum à spu-
rijs Interpretibus, qui mutæ cuidam Cælorum virtuti ærio-
que influxui illud nomen attribuerunt? Quam, obsecro,
rationem afferre debet, aut potest Europæus contra vsum
nominis *Xam-ti*, quæ ipsa ratio non militauerit similiter,
& multo magis in Europa contra nomen *Dei* multò cre-
brius, & diutius, & turpius ibidem viciatū, & corruptū,
quàm fuerit hic nomen *Xam-ti*.

At, inquires, cura saltem ista, & metus deterrere deberet præ-
conem Europæum ab vsu nominis *Xam-ti*, quòd hoc pacto
cum litteratorum sæcta conuenire in multis videatur lex
Christiana, & ita ipsorum ad Fidem conuersio retardanda,
sit: At si hoc argumentum vrget, militat idem etiam pro
modò dictis; nec debebant Apostoli, alijque Præcones
olim *Theos*, & *Dei* nomine vti ob eandem rationem, præ-
cipuè cum alii sumpserint nomina, ab ijs *Dei* infinita

ut *Eloc*, *Adonai*, *Ieboua*, nec Christianis, qui inter Maho-
 metanos versantur cum Persicè, aut Turcicè loquuntur, li-
 citum foret nominare *Halla*, nec cum Hebraicè loquuntur,
 Hebraicis vti nominibus, ne cum Mahometanis, aut Iu-
 dæis conuenire censeantur. Non igitur vt vna. secta ab alia
 differat, singula vtriusque vel dogmata, vel nomina dif-
 ferre necesse est; quædam sunt legi Christianæ cum Iudai-
 ca, & Mahometana, & cum litteratorum secta communia,
 vti hoc; esse Supremam aliquam mentem omnia gubernan-
 tem, Parentes honorandos, & illud; *Quod tibi non vis
 fieri, alteri ne feceris &c.* Imò verò quo plura nobis erunt
 cum litteratis communia, eo facilius eisdem erit ad opta-
 tam conuersionem via, Equis obsecro, Hieronymum
 carpat, quod scripserit Christianam Religionem esse
 stoicæ disciplinæ, quàm simillimam (ex qua adeò di-
 sciplina non pauci ad Christianam transierunt, eamque de-
 inde scriptis suis, & sanguine defenderunt) quis arguat Au-
 gustinum dum scribit se initium Euangelij D. Ioannis, *In
 principio erat verbum*, apud Philosophos Platonicos inuenisse?
 Quis Lactantium damnet, qui toto opere suo contra
 gentes, Ethnicorum auctoritatibus vtitur, & postquam re-
 censuit, quæ dogmata Religionis nostræ à varijs quoque
 Philosophis tradita fuerint, tandem concludit: *Totam igitur
 veritatem, & omne diuine Religionis arcanum Philosophi at-
 tigere.*

Quod si lex gratiæ naturæ legem adeò non tollit, vt etiam
 perficiat, cur pulcherrima naturæ lumina, quæ in Prisco-
 rum monumentis reperire est, non licebit afferre, quando
 etiam Sacri Scriptores, & Patres illa ipsa, quæ Deo reue-
 lante cognouimus quæque remotissima sunt ab humano in-
 tellectu, tamen conati sunt testimonijs, & auctoritatibus
 Ethnicorum magis, ac magis confirmare ex. gr. Sybillarum
 vaticinijs, effato Trismegisti *Monas genuit Monadem*, Se-
 rapidis simulachro, quo adumbratam fuisse docent Sanctis-
 simam Trinitatem? Non est igitur, quod scandalum passiu-
 um, aut paruulorum, aut error aliorum prauè interpretan-
 tium, aut abusus lapsu temporum inuesti deterrent Fidei
 Preconem ab usu nominis antiquissimi *Xam ti*.